

Broj: 05-02-495/09
Mostar, 16.03.2009. g.

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI / ZASTUPNIČKI DOM
n/r g-din Beriz Belkić, predsjedavajući**

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 30.03.2009			
Organizaciona jedinica	Klasifikaciona oznaka	Redni broj	Broj priloga
01-50-1-15-46		15-46	09

PREDMET: Poslaničko pitanje, odgovor dostavlja se

U prilogu akta Predstavničkog doma Parlamentarne skupštine BiH broj: 01-50-1-15-46/09 od 25. februara 2009.g. dostavljeno nam je poslaničko pitanje koje je poslanik Husein Nanić, na 46. sjednici Predstavničkog doma Parlamentarne skupštine BiH, održanoj 18.02.2009.g., postavio Federalnom ministarstvu energije, rudarstva i industrije i menadžmentu BH Gasa d.o.o. Sarajevo, koje glasi:

1. "Vlada Unsko-sanskog kantona je uz iskazanu zainteresovanost općina iz Unsko-sanskog kantona prije nekoliko godina pokrenula inicijativu za plinifikaciju tog kantona. Obzirom na aktuelnu energetska situaciju sa snabdjevanjem plinom naše zemlje i iskazanu spremnost vlade i općina postavljam pitanje ministru i menadžmentu BH gasa d.o.o. Sarajevo – Da li ste dobili zvaničan zahtjev, inicijativu za pokretanje Projekta plinifikacije, šta ste do sada poduzeli i šta ćete poduzeti da se navedena inicijativa aktuelizira i pokrene procedura i realizacija iste?"

Odgovor na pitanja:

Prema informacijama koje smo dobili od "BH-Gas" d.o.o Sarajevo dostavljamo Vam odgovor na postavljeno pitanje, kako slijedi:


"BH-Gas" d.o.o Sarajevo je zajedno sa Federalnim ministarstvom energije, rudarstva i industrije još 2007.g. pokrenuo inicijativu za projekat gasifikacije Unsko-Sanskog kantona, što je rezultiralo izradom Predinvesticione studije gasifikacije ovog kantona, čiji je finalni izvještaj završen u junu 2008.g. Studija je pokazala opravdanost prve faze izgradnje, koja podrazumijeva izgradnju gasovoda Tržac-Cazin-Bosanska Krupa sa odvojcima prema Bihaću i Velikoj Kladuši. Transportni gasovod od Tržaca (granica sa R Hrvatskom) do Bosanske Krupe je dužine 35 km i prečnika DN 400, dok su odvojci prema Bihaću i Velikoj Kladuši ukupne dužine oko 45 km i prečnika DN 250.

Istovremeno, "BH-Gas" d.o.o Sarajevo je već 2007.g. započeo pregovore sa kompanijom PLINACRO zaduženom za transport gasa u R Hrvatskoj o mogućnostima povezivanja hrvatskog gasnog transportnog sistema sa zapadnim dijelom BiH odnosno Unsko-Sanskim kantom, nakon čega je PLINACRO izradio dokument pod nazivom "Idejne osnove povezivanja plinskih transportnih sistema R Hrvatske i BiH međunarodnim plinovodom Lička Jesenica – Bihać". U prilogu Vam dostavljamo idejno rješenje trase u R Hrvatskoj.



GASIFIKACIJA UNSKO-SANSKOG KANTONA

Završena Tehno-ekonomska studija
gasifikacije Unsko-Sanskog Kantona;
U 2009. god. – Tender za izbor projektanta
U 2011. i 2012. godini planirana izgradnja
gasovoda u okviru I Faze gasifikacije
Unsko-Sanskog Kantona



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI / ZASTUPNIČKI DOM
N/r: gosp. Beriz Belkić, Predsjedavajući
predstavničkog doma

Our Ref
Naš znak: 01730

Your Ref
Vaš znak:

Date
Datum: 04.03.2009. godine

Odgovor
NA
poslaničko
pitanje

Predmet: Poslaničko pitanje - Projekat gasifikacije Unsko-Sanskog kantona

U vezi Vašeg dopisa broj 01-50-1-15-46/09 od 25.02.2009. godine, a koji se odnosi na poslaničko pitanje gospodina Huseina Nanića o inicijativi i aktivnostima za Projekat gasifikacije Unsko-Sanskog kantona, dostavljamo Vam odgovor na predmetno pitanje.

BH-Gas je zajedno sa Ministarstvom energije, rudarstva i industrije još 2007. godine pokrenuo inicijativu za projekat gasifikacije Unsko-Sanskog kantona, što je rezultiralo izradom Predinvesticione studije gasifikacije ovog kantona, čiji je Finalni izvještaj završen u junu 2008. godine. Studija je pokazala opravdanost prve faze izgradnje, a koja podrazumijeva izgradnju gasovoda Tržac - Cazin - Bosanska Krupa sa odvojcima prema Bihaću i Velikoj Kladuši. Transportni gasovod od Tržca (granica sa R Hrvatskom) do Bosanske Krupe je dužine oko 35 km i prečnika DN 400, dok su odvojci prema Bihaću i Velikoj Kladuši ukupne dužine oko 45 km i prečnika DN 250. Istovremeno BH-Gas je već 2007. godine započeo pregovore sa kompanijom PLINACRO zaduženom za transport gasa u R Hrvatskoj o mogućnostima povezivanja hrvatskog gasnog transportnog sistema sa zapadnim dijelom BiH odnosno Unsko-Sanskim kantonom, a nakon je čega je PLINACRO izradio dokument pod nazivom Idejne osnove povezivanja plinskih transportnih sustava Republike Hrvatske i Bosne i Hercegovine međunarodnim plinovodom Lička Jesenica - Bihać. U prilogu dopisa Vam dostavljamo Idejno rješenje trase u R Hrvatskoj.

Sa svim ovim aktivnostima su upoznati i predstavnici Vlade Unsko-Sanskog kantona sa kojima je BH-Gas u nekoliko navrata održavao sastanke po pitanju gasifikacije ovog kantona. Na posljednjem sastanku su dogovrene određene aktivnosti koje treba pokrenuti Vlada USK, ali i BH-Gas u skladu sa svojim djelatnostima. Najvažnije pitanje koje treba da se definiše jesu potrebne količine i dinamika potrošnje prirodnog gasa, kako bi BH-Gas mogao poduzeti naredne korake u daljnoj realizaciji ovog projekta sa kompanijom PLINACRO, odnosno da bi se stvorili svi neophodni uslovi za potpisivanje



BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 05-03-2009			
Organizaciona jedinica	Klasifikaciona oznaka	Redni broj	Broj priloga
01-50-1	15-4609		

ugovora o transportu i obezbjeđenje potrebnih količina prirodnog gasa, kao i uslovi za početak pripremnih aktivnosti za izgradnju dijela transportnog gasovoda u Hrvatskoj, a samim tim i svi potrebni preduslovi za otpočinjanje pripremnih aktivnosti za izgradnju gasovoda u Unsko-Sanskom kantonu. BH-Gas je trenutno u fazi pripreme tenderske dokumentacije za izradu Glavnog projekta I Faze gasifikacije USK, ali i u fazi preliminarne pregovora sa EBRD Bankom o mogućim kreditnim aranžmanima za finansiranje ovog projekta.

Ovim putem želimo istaći da je projekat gasifikacije Unsko-Sanskog kantona sastavni dio dokumenata Akcioni plan Vlade Federacije BiH (2007 / 2008) i Strateški plan i program razvoja energetskog sektora Federacije BiH (2008 / 2009). U prilogu Vam dostavljamo kartu sa planiranim gasovodima u Unsko-Sanskom kantonu.

S poštovanjem,





Direktor


Almir Bečarević

Prilog:

- Idejno rješenje trase gasovoda u R Hrvatskoj*
- Karta sa planiranim gasovodima u Unsko-Sanskom kantonu*





Br. 04-02-360/09
Sarajevo, 03.04.2009.godine

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI / ZASTUPNIČKI DOM
N/R PREDSEDavajućeg GOSP. BERIZA BELKIĆA**

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 15.4.2009.			
Organizaciona jedinica	Klasifikaciona oznaka	Redni broj	Broj priloga
01-50-1-15-46/09		15-46/09	

Veza : Vaš akt br.01-50-1-15-46/09 od 25.02.2009. godine
PREDMET: Poslaničko pitanje, odgovor, dostavlja se.

Agenciji za privatizaciju u Federaciji Bosne i Hercegovine dostavili ste pitanje poslanika Huseina Nanića, postavljeno na 46. sjednici Predstavničkog doma Parlamentarne skupštine Bosne i Hercegovine održanoj dana 18. februara 2009. godine, a odnosi se na praćenje realizacije preuzetih obaveza po Ugovoru o dokapitalizaciji „Energopetrola“ d.d. Sarajevo, kao i poduzimanje mjera od strane Agencije za privatizaciju u FBiH da se ugovor u cijelosti ispoštuje.

Sukladno postavljenom pitanju poslanika Huseina Nanića, dostavljamo Vam odgovor slijedećeg sadržaja:

Ugovor o dokapitalizaciji „Energopetrol“ d.d. Sarajevo zaključen je dana 08.09.2006. godine između Vlade Federacije Bosne i Hercegovine i privrednog društva „Energopetrol“ d.d. Sarajevo, kao ugovarača sa jedne strane i MOL; Hungarian Oil and Gas PLC i INA-Industrija nafte d.d.Zagreb, kao ugovarača sa druge strane.

Vlada Federacije Bosne i Hercegovine je na svojoj 28. sjednici održanoj dana 10.10.2007.godine prihvatila Informaciju o praćenju aktivnosti vezanih za dokapitalizaciju preduzeća „Energopetrol“ d.d. Sarajevo sačinjenu od strane Federalnog ministarstva energije, rudarstva i industrije, te zadužila Agenciju za privatizaciju u FBiH za praćenje i realizaciju izvršenja ugovornih obaveza u navedenom postupku, iako se ne radi o kupoprodajnom ugovoru iz postupka privatizacije, nego o procesu dokapitalizacije sukladno odredbama Zakona o privrednim društvima.

Sukladno navedenom Zaključku Vlade FBiH, direktor Agencije za privatizaciju u FBiH je Rješenjem br. 02- 34 -3961/07 od 11.10.2007.godine formirao Komisiju za praćenje realizacije i izvršenje ugovornih obaveza u postupku dokapitalizacije preduzeća „Energopetrol“ d.d. Sarajevo i dostavu izvještaja.

Komisija je sačinila prvi preliminaran izvještaj i isti dostavila dana 14.12. 2007. godine Vladi Federacije BiH, kao i resornom Federalnom ministarstvu energije, rudarstva i industrije kao osnovu za dalje postupanje i isti je usvojen na 42. sjednici Vlade Federacije BiH održanoj 16.01.2008. godine.

S obzirom da u Ugovoru o dokapitalizaciji preduzeća „Energopetrol“ d.d. Sarajevo nije ugovorena kontrola od strane Agencije za privatizaciju u FBiH, tako je za aktivnost u praćenju realizacije i izvršenja ugovornih obaveza od strane komisije bila potrebna saglasnost i druge ugovorne strane.

Svoju saglasnost da imenovana Komisija prati realizaciju izvršenja ugovornih obaveza Konzorcij INA/ MOL dala je svojim očitovanjem br.01-10-555/07 od 26.10.2007. godine.

Ugovoreni način praćenja izvršenja obaveza iz Ugovora definisan je članom 7. tačka 5. Ugovora da će ugovorene strane angažovati najkasnije tri mjeseca prije kraja prve investicijske godine, obostrano prihvatljivu nezavisnu, međunarodnu revizorsku

tvrtku koja djeluje i registrirana je na području BiH i koja će sačiniti zaključni nalaz da li je obaveza Konzorcija da izvrši investicije u odgovarajućoj godini ispunjena u skladu sa članom 7. Ugovora.

Konzorcij je dana 15.11.2007. godine dostavio prvi izvještaj sa kratkim presjekom stanja o trenutnom statusu ispunjenja obaveze Konzorcija INA-e i MOL-a proisteklih iz Ugovora o dokapitalizaciji „Energopetrol“ d.d. Sarajevo.

U početku rada Komisija je izvršila analizu predmetnog Ugovora, apostrofirajući bitne elemente ugovora, a posebno utvrđivanje datuma od kada teku rokovi za ispunjene obaveze.

Konzorcij je također obavijestio Komisiju da je ovlastio Upravu društva „Energopetrol“ d.d. Sarajevo za dostavu svih informacija i potrebnih podataka Komisiji za njen rad.

Dan potpisivanja ugovora je 08. septembra 2006. godine, dok je dan zaključenja transakcija 09. februara 2007. godine, kada je potpisan Protokol o ispunjenju/odricanju od ispunjenja uvjeta koji prethode zaključenju transakcije iz čl. V. Ugovora o dokapitalizaciji Energopetrola d.d. Sarajevo zaključenog 08.09.2006. godine.

Navedenim Protokolom tretirana su prethodna pitanja iz člana V. ovog ugovora, a koja se između ostalog odnose i na imovinu društva koja nije predmet dokapitalizacije (terminali tečnih goriva i dr.)

Dan izvršenja transakcija 28.03.2007. godine vezan je za utvrđivanje roka izvršenja obaveza investiranja, a odnosi se na registraciju INA-e i MOL-a kao vlasnika dionica društva „Energopetrol“ d.d. Sarajevo u Registru vrijednosnih papira u FBiH (rješenje br. 02-2-3774/07 od 28.03.2007.godine) koje dionice čine zajedno 67 % temeljnog kapitala društva.

Analizom ugovora Komisija je konstatovala da predmet Ugovora o dokapitalizaciji preduzeća „Energopetrol“ d.d. Sarajevo predstavljaju pored ostalog i slijedeće transakcije i postupci :

- plaćanje naknade u iznosu od 10.200.000,00 KM od strane Konzorcija Vladi FBiH na ime prava vršenja dokapitalizacije,
- povećanje osnovnog kapitala društva u iznosu od 60.195.000,00 KM od strane Konzorcija, a koja su namijenjena za izmirenje obaveza (porezi, banke, dobavljači), a prema finansijskom izvještaju od 31.12.2004. godine,
- realizacija aktivnosti za stjecanje 67 % udjela u društvu od strane Konzorcija,
- investiranje u iznosu od 150.000.000,00 KM u periodu od tri godine od dana izvršenja transakcija u cilju revitalizacije postojeće distributivne mreže i njenog širenja,
- zapošljavanje / zbrinjavanje 1059 radnika koji su bili u radnom odnosu u preduzeću „ Energopetrol“ d.d. Sarajevo u vrijeme potpisivanja ugovora.

Izvršenje predmeta ugovora :

Sukladno članu 10. tačka 1. i 2. Ugovora o dokapitalizaciji, Konzorcij INA/MOL je na ime prava za dokapitalizaciju uplatio Vladi Federacije BiH iznos od 10.200.000,00 KM. Da je izvršena uplata na Escrow račun sukladno odredbama Ugovora potvrđeno je Odlukom Vlade Federacije BiH od 17.decembra 2008. godine kojom se navedena sredstva sa Escrow računa prenose na transakcijski račun Federalnog ministarstva financija / finansija.

Uvidom u dokumentaciju Komisija je konstatovala da je Konzorcij izvršio obavezu uplate u iznosu od 60.195.000,00 KM na ime povećanja osnovnog kapitala Društva.

Navedena sredstva su uplaćena 28.02. 2007. godine u identičnom iznosu po 50% iznosa i od INA-e i MOL-a i ista su bila namijenjena za izmirenje obaveza

„Energopetrola“ d.d. Sarajevo, utvrđenih prema finansijskom izvještaju od 31.12.2004. godine. U Izvještaju Konzorcija navedeno je da je od uplaćenog iznosa od 60.195.000,00 KM utrošeno 45.774.600,63 KM na izmirenje obaveza iz ugovora i to po osnovu javnih prihoda, obaveze kredita prema HVB banci i Union banci, kao i obaveze prema INI Zagreb, Vanjskotrgovinskoj komori i po sudskoj presudi u predmetu Energoinvest.

Komisija je u više navrata tražila od kupca, kao i Uprave društva, pored ostalog i dostavljanje uporednog prikaza sa pratećom dokumentacijom za izvršenje utroška iznosa od 60.195.000,00 KM koja su sukladno ponudi i provedenim pregovorima bila planirana za izvršenje obaveze „Energopetrola“ d.d. Sarajevo (porezi, banke, dobavljači i ostalo).

Zbog nepotpune dokumentacije Komisija nije mogla konstatovati da je uplaćeni iznos i utrošen u skladu sa ugovorom za izmirenje obaveza nastalih do 31.12.2004. godine.

Članom 7. navedenog ugovora regulirano je ulaganje kupca, Konzorcija INA/MOL za period od tri godine u iznosu od 150 mil. KM za potpunu rekonstrukciju i proširenje mreže benzinskih pumpi, kao i izgradnju novih.

U prvoj godini investicije su bile u iznosu od 20.000.000,00 KM, u drugoj godini investicije planirane u iznosu od 35.000.000,00 KM, dok je najveći iznos investicija planiran za treću godinu u iznosu od 95.000.000,00 KM.

Početak investiranja usklađen je sa Danom izvršenja transakcija (28.marta 2007. godine), a koji označava datum kada je izvršena registracija INA i MOL-a kao vlasnika dionica Društva u nadležnim registrima dionica.

Komisija je u svom izvještaju od 14.12.2007. godine blagovremeno upoznala Vladu Federacije BiH na obavezu ugovornih strana da su iste bile obavezne angažovati, najkasnije tri mjeseca prije kraja prve investicijske godine, obostrano prihvatljivu nezavisnu, međunarodnu revizorsku tvrtku koja djeluje i registrirana je na području BiH i koja će sačiniti zaključni nalaz da li je obaveza Konzorcija da izvrši investicije u odgovarajućoj godini ispunjena u skladu sa članom 7.Ugovora.

Komisija nema saznanja da li je angažovana revizorska kuća od strane ugovornih strana sukladno članu 7. tačka 5. Ugovora, iako su dospjele prve dvije investicijske godine.

Uprava društva „Energopetrol“ d.d. Sarajevo je na sastanku održanom dana 21. januara 2008. godine obavijestila premijera i dopremijera Vlade Federacije BiH, nadležno Federalno ministarstvo energije, rudarstva i industrije, Federalno ministarstvo financija, kao i direktora Agencije za privatizaciju i predsjednika Komisije za realizaciju i praćenje Ugovora, o poteškoćama u realizaciji ugovornih obaveza za 1. investicijsku godinu (poteškoće u dobivanju građevinskih dozvola za izgradnju novih i adaptaciju postojećih benzinskih pumpi, i dr.)

Zaključci naprijed navedenog sastanka su bili da će se aktivnosti usmjeriti na rješavanje tih pitanja jer realizacija izvršenja obaveze investiranja za 1. godinu je neophodna za dalje poslovanje društva i realizaciju Ugovora o dokapitalizaciji društva „Energopetrol“ d.d. Sarajevo.

Kupac je dostavio dana 28.03.2008. godine, bankarsku garanciju Raiffeisen bank Zagreb izdatu dana 20.03.2008. godine sa rokom važenja 18 mjeseci u iznosu od 11.666.667,00 KM kao garanciju za 2. godinu investiranja.

Uvidom u dostavljenu dokumentaciju Komisija je konstatovala da se reguliranje i rješavanje prava iz radnog odnosa zaposlenika preduzeća „Energopetrola“ d.d. Sarajevo temelji se na Zakonu o radu i ostalim pozitivnim zakonskim propisima, te odredbama

Ugovora o dokapitalizaciji preduzeća „Energopetrol“ d.d. Sarajevo, posebno na odredbama Memoranduma o socijalnom paketu u društvu „Energopetrol“ d.d. Sarajevo potpisanog 08.09.2006. godine između Sindikata društva i Konzorcija INA/MOL, a koji je i sastavni dio Ugovora o dokapitalizaciji.

Memorandumom o socijalnom paketu reguliran je radnopravni status svih 1059 radnika koji su se u vrijeme zaključenja ugovora nalazili u radnom odnosu u „Energopetrolu“ d.d. Sarajevo i to za period od 3 godine od potpisivanja Ugovora o dokapitalizaciji „Energopetrola“ d.d. Sarajevo.

Dalja zaštita prava radnika regulirana je potpisanim Kolektivnim ugovorom od 23. aprila 2008. godine između Uprave društva „Energopetrol“ d.d. Sarajevo, kao poslodavca i Sindikata „Energopetrol“ d.d. Sarajevo.

Sukladno odredbama Memoranduma, Uprava društva „Energopetrol“ d.d. Sarajevo donijela je 27.09.2007. godine, Odluku o poticajnim mjerama za sporazumni raskid ugovora o radu zaposlenika „Energopetrol“ d.d. Sarajevo. Odluka je zasnovana na cjelokupnoj slici daljeg poslovanja preduzeća, stanja na tržištu, kao i prijedloga Konzorcija INA/MOL iznijetog u Ponudi za dokapitalizaciju o maksimalno potrebnom broju zaposlenika radi optimalnog ostvarivanja njihovih prava.

U prethodnom periodu, do 10.11.2008. godine, isplaćene su 84 otpremnine sukladno Odluci, za radnike koji su se javili do 01. novembra 2007. godine. Dokaz o isplati je dopstavljena rekapitulacija isplaćenih sredstava u iznosu 1.692.785,655 KM, odnosno u ukupnom iznosu sa porezima i drugim davanjima od 2.620.763,63 KM, a na osnovu potpisanih Sporazuma između radnika i poslodavca. Do navedenog datuma za isplatu otpremnina ukupno se javilo oko 170 radnika. Isplata otpremnina uvjetovana je rezultatom izvršene analize potrebnih radnih mjesta po poslovnica.

Uvidom u dokumentaciju Komisija je utvrdila da planirana i utrošene sredstva za isplatu otpremnina radnicima nisu uplaćena od strane Konzorcija. S obzirom na različito tumačenje od strane kupca, kao i od Komisije odredbi Memoranduma i Ugovora o dokapitalizaciji, a koji se odnose izvor sredstava za isplatu otpremnina, potrebno je od potpisnika ugovora tražiti tumačenje ugovorne odredbe.

Navedena odluka za isplatu po poticajnim mjerama važi do 31.12.2008. godine. U daljim aktivnostima potrebno je pratiti realizaciju dalje isplate otpremnina, kao i obezbjeđenje eventualnih dodatnih sredstava. S obzirom na različitost tumačenja izvora sredstava za isplatu otpremnina, potrebno je od potpisnika ugovora tražiti tumačenje ugovorne odredbe koja se odnosi na tu materiju.

Prilikom zaključivanja Ugovora u društvu „Energopetrol“ d.d. Sarajevo bilo je zaposleno 1059 radnika (podaci od 31.01.2005. godine), dok je uvidom u dokumentaciju (obraci PIO/MIO, ovjerena rješenja) i analize iste konstatovano da je sa danom 10.11.2008. godine bilo zaposleno 882 radnika, po podružnicama Sarajevo, Mostar, Bihać, Živinice. Od početnog stanja do dostavljanja izvještaja preduzeće je napustio 214 zaposlenik, a radni odnos je zasnovalo 34 zaposlenika.

Prestanak radnog odnosa uzrokovan je odlaskom u penziju, smrću radnika, sporazumnim prestankom radnog odnosa, a posebno zbog ispunjavanja Odluke o poticajnim mjerama za jedan broj radnika (84 isplaćene otpremnine).

Sporazumom o poslovnoj saradnji „Energopetrola“ d.d. Sarajevo i Terminala Federacije BiH, od 2006. godine, kao i Ugovorom o dokapitalizaciji društva „Energopetrol“ d.d. Sarajevo jedno od pitanja za rješavanje je i prelazak 100 radnika u Terminale Federacije BiH koji još nisu prešli.

Dana 18.12.2008. godine, a postupajući po zahtjevu komisije istoj je dostavljena dokumentacija koja je bila neophodno potrebna radi daljeg praćenja realizacije izvršenja

ugovornih obaveza, ali je ista bila nedostatna za dalje praćenje realizacije izvršenja ugovornih obaveza.


Na osnovu toga, Komisija je svojim aktom br. 04-19-141/09 od 28.01.2009. godine zatražila dostavu Izvještaja o realizaciji ugovornih obaveza sa uporednim prikazom ugovorenih i izvršenih obaveza na osnovu sredstava za dokapitalizaciju sa dokaznom dokumentacijom. Ista je dostavljena Komisiji dana 25.marta 2009. godine i ista je predmet daljeg razmatranja i novog izvještaja u narednom periodu.

Izvještaje o utvrđenom stanju, Komisija dostavlja Vladi Federacije BiH, kao i resornom ministarstvu, te je u posljednjem dostavljenom izvještaju od 02. aprila 2009. godine predložila Vladi Federacije BiH, kao ugovornoj strani da zajedno sa kupcem najhitnije započne aktivnosti na angažiranju obostrano prihvatljive nezavisne međunarodne revizorske tvrtke koja djeluje i registrovana je na području Bosne i Hercegovine radi sačinjavanja zaključnog nalaza o ispunjavanju obaveza Konzorcija o izvršavanju investicija za prethodni period. Takođe je potrebno utvrditi izvor sredstava planiranih za otpremnine radnika u iznosu od 4,5 mil. KM, zbog različitog tumačenja ugovornih strana.

Komisija za praćenje realizacije i izvršenje ugovornih obaveza u postupku dokapitalizacije preduzeća „Energopetrol“ d.d. Sarajevo Agencije za privatizaciju u FBiH će i dalje pratiti tok izvršenja ugovornih obaveza.

Za Komisiju:

Kosović Tatjana, predsjednik



Dostavljeno:

- naslovu
- a/a
- u evid.